



Broj: A-885/21

Bihać, 01.12.2021. godine

Na osnovu člana 64. stav 1. tačka b), člana 70. i člana 89. Zakona o javnim nabavkama BiH („Službeni glasnik BiH“, broj: 39/14), te člana 1. Odluke o obaveznoj primjeni preferencijalnog tretmana domaćeg („Službeni glasnik BiH“, broj: 34/20), na preporuku Komisije za javne nabavku broj: A-885/21 od dana 01.12.2021. godine, Glavna kantonalna tužiteljica d o n o s i :

O D L U K U o izboru najpovoljnijeg ponuđača

Član 1.

Prihvata se preporuka Komisije za javnu nabavku izražena u Zapisniku o ocjeni ponuda nakon održane e-aukcije broj: A-885/21 od 01.12.2021. godine i Ugovor o pružanju usluga održavanja i servisiranja vozila se dodjeljuje ponuđaču **BERLINA d.o.o. Bihać**, ponuda broj: A-885/21, br. 2, od dana 29.11.2021. godine, za ponuđenu cijenu prema ukupnoj cijeni ponude - tehničkoj specifikaciji sadržanoj u tenderskoj dokumentaciji, u skladu sa ponuđenom cijenom nakon održane e-aukcije u iznosu od **6.465,60 KM bez PDV-a**.

Član 2.

Ponuđač koji je nakon e-aukcije odabran kao najpovoljniji dužan je u roku od 10 (deset) dana od dana prijema ove Odluke dostaviti novi Obrazac za cijenu ponude - usluga koji će odražavati smanjenu cijenu iz e-aukcije – tačka IV - Podaci o ponudi 4.7.2., kao i dokaze kako je to navedeno tačkom III – Uslovi za kvalifikaciju kandidata ponuđača, tenderske dokumentacije.

Član 3.

Ugovor o pružanju usluga održavanja i servisiranja vozila dostavit će se na potpis izabranom ponuđaču **BERLINA d.o.o. Bihać**, po proteku 10 (deset) dana računajući od dana dostavljanja obavještenja.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, a shodno odredbi člana 71. stav 2. Zakona o javnim nabavkama BiH.

Obrazloženje

Postupak javne nabavke usluga - opravka i servisiranje službenih motornih vozila Kantonalnog tužilaštva USK, pokrenut je Odlukom o pokretanju postupka javne nabavke broj: A-884/21 od 04.11.2021. godine.

Ugovorni organ je predvidio zaključenje ugovora na period od 1 (jedne) godine odnosno do finansijskog ispunjenja istog, sa ponuđačem koji dostavi najnižu cijenu tehnički zadovoljavajuće ponude, a prema tehničkoj specifikaciji iz tenderske dokumentacije.

Javna nabavka je provedena putem konkurentskog zahtjeva za dostavljanje ponuda. Procijenjena vrijednost javne nabavke je 9.000,00 KM bez PDV-a. Obavještenje o nabavci broj: 1092-7-2-16-3-4/21 dostavljeno je na objavu dana 11.11.2021. godine.

Radi provođenja postupka javne nabavke, rješenjem Glavne kantonalne tužiteljice broj: A-885/21 od dana 04.11.2021. godine, imenovana je Komisija. Ugovorni organ je putem Komisije proveo postupak prikupljanja ponuda, kao i ostale aktivnosti vezane za nabavku, a u skladu sa odredbama Zakona o javnim nabavkama BiH.

Shodno odredbi člana 64. stav 1. tačka b) Zakona o javnim nabavkama BiH kriterij za dodjelu ugovora po konkurentskom zahtjevu je najniža cijena tehnički zadovoljavajuće ponude.

Po isteku roka za dostavljanje ponuda evidentirano je da su u roku pristigle tri ponude, i to:

1. A-885/21 - ĐULI-COMMERCE d.o.o. Bihać – 24.11.2021. godine u 08:15h
2. A-885/21 - BERLINA d.o.o. Bihać – 29.11.2021. godine u 07:35h

Komisija za javnu nabavku je blagovremeno i pravilno izvršila otvaranje i ocjenu pristiglih ponuda, te utvrdila da su ponude gore navedenih ponuđača formalno uredne odnosno sadrže svu tendersku dokumentaciju, a nakon čega je ista zakazala e-aukciju za dan 01.12.2021. godine u 12:45 sati.

Predviđeno vrijeme trajanja e-aukcije bilo je 10 minuta. Nakon završetka e-aukcije po Izvještaju o toku i završetku e-aukcije, broj: 1092-7-2-16/21 od 01.12.2021. godine u 13:29:00 sati, utvrđeno je da niti jedan ponuđač nije mijenjao ponuđenu cijenu tokom e-aukcije.

Komisija je potom utvrdila konačnu rang listu ponuđača koji su učestvovali u postupku javne nabavke u e-aukciji kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	BERLINA d.o.o.	4263076430000	6.465,60	28%	1
2.	ĐULI-COMMERCE d.o.o.	4263169790006	6.547,35	18,750%**	2

** označava približnu vrijednost procentualnog umanjenja nakon zaokruživanja na dvije decimale

Predmet javne nabavke iz člana 1. planiran je u Planu nabavki Kantonalnog tužilaštva USK Bihać za 2021. godinu, broj: A-312/21 od 19.04.2021. godine – Usluge – redni broj 3. Usluge za opravak i održavanje vozila – JRJN 50100000-6. Predmetna javna nabavka bit će finansirana iz budžetskih sredstava Kantonalnog tužilaštva USK Bihać za 2021. godinu, a izdaci za nabavku će se evidentirati na ekonomskom kodu 613700.

S obzirom na navedeno, Komisija za javnu nabavku je dala preporuku da se ugovor zaključi sa **ponuđačem BERLINA d.o.o. Bihać u iznosu od 6.465,60 KM bez PDV-a**. Ovo iz razloga što je kriterij za dodjelu ugovora u skladu sa odredbom čl. 64. stav 1. tačka b) Zakona o javnim nabavkama BiH, a prema tački 4.7. tenderske dokumentacije – najniža cijena tehnički zadovoljavajuće ponude po postupku predmetne nabavke usluga - opravka i servisiranje službenih motornih vozila kantonalnog tužilaštva USK.

Slijedom navedenog odlučeno je kao u izreci ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema Odluke, a u skladu sa odredbom člana 99. i člana 101. Zakona o javnim nabavkama BiH.

GLAVNA KANTONALNA TUŽITELJICA

Fadila Amidžić

Dostaviti:

1. Ponuđačima
2. a/a

